

TERMU REFERENSIA	Tékniku Profisional Senior (Jestor): Lojistiku	Nu Ref: <u>46</u> /TITL/GDE/V/2025
		Aprova husi: Diretor Ezekutivu, & Diretor Ezekutivu Adjuntu data <u>21</u> .../ <u>05</u> ./ <u>2025</u>
		Verifika husi: Diretor Administrasaun & Finansas
		Prepara husi: Rekursu Umanu
Tipu Kontratu	Kontratu Termu Sertu	
Durasaun Kontratu	Fulan neen (6) ho possibilidade extensaun ba tinan 1	
Data Hahu Servisu	01 Jullu 2025	
Relata Ba	Diretor Administrasaun & Finansas	
Fatin Servisu	TradelInvest Timor-Leste	

FUNSAUN PRINSIPAL

Fo apoiu ba Diretor Administrasaun no Finansas relativamente ho servisu sira atu organiza, koordena, kontrola no halo jestaun ba operasaun servisu aprovisionamentu haktuir Dekretu Lei no. 10/2005 21 Novembru, Rejime Juridiku Aprovisionamentu, Dekretu Lei no. 24/2008 23 Jullu, altera rejime juridiku aprovisionamentu, Anexo 2 "Quantias limites para iniciar as operações de aprovisionamento, avaliar e e aprovar a assinatura dos contratos públicos" (artigo 15).

DESKRISAUN SERVISU NO RESPONSABILIDADE:

1. Jere no supervizona atividade lojística no jestaun patrimóniu organizasaun nian ho efikás no eficiente, asegura katak rekursu sira disponivel bainhira presija tuir nesiedade institusaun.
2. Dezenvolve no implementa prosedimentu lojística no jestaun partimonial.
3. Planeia, organiza no supervizona atividade transporte, armazenamentu no distribuisaun sasan.
4. Jere relasaun ho fornecedor sira tuir kontratu ka akordu estabesidu sira.
5. Halo monitorizasaun no avaliaasaun ba dezempenhu lojística nian no identifika área ba melloramentu.
6. Asegura inventáriu jere ho efikás no apropriadu, nune'e mos halo identifikasaun, rejistu no atualiza dados kona-ba patrimóniu organizasaun nian (móvel no imóvel).
7. Halo avaliaasaun ba kondisaun patrimóniu regularmente hodi garantia planu manutensaun ba patrimóniu sira.
8. Kolabora ho departamentu sira seluk relasiona ho servisu lojística no patrimoniu iha Ajensia.
9. Asegura kumprimentu ba regulamentu no lei aplikável sira.
10. Halo jestaun orsamentu ba atividade lojística no jestaun patrimóniu nian.
11. Identifika nesiedade formasaun ba pesoál iha área lojística no jestaun patrimóniu nian.
12. Halo kordenasaun servisu masimu ho servisu aprovisionamentu ba nesiedade lojística nian.
13. Halo relatóriu lojística no jestaun patrimoniu nian regularmente, inklui simu sasan no halo relatóriu simu sasan (R&I) hodi submete ba finansas.
14. Hala'o knaar servisu seluk tuir orientasaun husi Superior.

KRITERIA NO KUALIFIKASAUN:

- Sidadaun Timor-oan (feto ou mane) ho idade minimu 22 no maximu 45 ho nível edukasaun minimu S1.
- Edukasaun: lisensiatura iha área relevante hanesan Jestaun no Administrasaun nian.
- Esperensia: servisu minimu tinan tolu (3) iha area jestaun, administrasaun no lojistika.
- Kuñeseimentu Tekniku: iha kuñesimentu jere lojistiku, jestaun forneseimentu, no jestaun patrimoniu.
- Esperensia servisu iha instituisaun estadu, ONG nasional ka internasional, kompania privada iha área hanesan ho durasaun tinan 3.
- Iha abilidade hodi utiliza komputador ho diak, konhesimentu diak iha Microsoft Office (Word, Excel, Power Point), utiliza rede Internet no iha area serbisu relasionadu.
- Fluente iha lian Tetum formal, no kapasidade iha lian Portugues, Ingles no Bahasa Indonesia sai vantajen boot.


ABILIDADE JERAL:

- Kandidatu/a tenki hatudu kódigu étika ne'ebe aas, hatene respeito, apresentavel, onestu, iha komunikasaun diak no klaru, no halo interaksaun ho ema ho oin midar.
- Kandidatu/a tenki iha kapasidade kontrola-an no pasiensia iha ambiente profisional;
- Kandidatu/a tenki jere situaasaun ho profisionalismu maske iha presaun laran.
- Kandidatu/a tenki pontual haktuir oras servisu nian.
- Kandidatu/a tenki iha abilidade komunikasaun ne'ebé diak no profisional.
- Kandidatu/a tenki iha vontade atu simu kritika no aprende husi fallansu sira.
- Kandidatu/a tenki prontu atu hanorin no fahe matenek.
- Kandidatu/a tenki iha abilidade atu servisu ho transparensia, integridade, servisu ekipa no lideransa.

Dili, 21 Maiu 2025


Arcanjo da Silva
Diretor Ezekutivu
TradeInvest Timor-Leste, I.P.




Duílio M. G. A. da Silva
Diretor Ezekutivu Adjuntu
TradeInvest Timor-Leste, I.P.